

10.90

# WAXT 3 HIRÊ

Duri şine  
nejdi amune  
çı sayde mino wes



Tı hatā ke  
mı bore  
tuya bon qotiko res

## H A S İ K T İ R :

Ortadoğu, siyasal olarak bölünüp (Arap, Kürt...) ve bağımlı hale getirilen (Türkiye, İran...) Avrupa, Asya ve Afrikayı birleştiren ve çıkar gereği, Kuzey Afrikaya doğru gelişen bölge olarak düşünülmelidir.

Ortadoğunun önemi, emperialistlerin can damarı, petrol rezelerinin 3/2 sine sahip olmasının yanı sıra, stratejik öneminden de ileri gelmektedir. Kara, hava ve özellikle deniz ulaşımı açısından ayrı bir öneme sahiptir.

Ortadoğunun önemli bir özelliği de, siyasal olarak kendi dinamikleri yerine, emperialist güçlerin I. Paylaşım Savaşı sonucu (İngiltere, Fransa...) sunni ve bağımlı dengeler yaratarak bir çeşit sömürge sistemini oluşturmalarıdır. Dengesizliği ve bağımlılığı, dolayısıyla sömürüyü sabit tutabilmek için, sömürgeciler kendi uşaklarına da sömürü alanları verip (Kürdistan), dengesizliği ve bağımlılığı adeta pekiştirmişlerdir.

Yine Ortadoğu, Filistin ve özellikle Kürt sorunlarının çözüm beklediği bir alandır.

Bunların yanı sıra özellikle yüzyılımızda, emperialist ülkelere silah pazar ve deneme alanı olmuştur. ABD Emperializmi için bir karakol görevi gören, İsrail siyonistlerinin konumundan da olsa gerek, Araplar sürekli silahlanmış ve dolayısıyla petrol gelirlerinin, cebe konulandan geri kalan önemli bir bölümünü batılı silah tücarlarına aktı, akiyor.

Yine Ortadoğu, parçalanmış, kokuşmuş tek tek Arap gericiliğinin yerine, insan hak ve hurriyetlerine saygılı, toplumların ve halkların hüviyetlerine saygılı demokratik Arap cumhuriyetlerinin (Cumhuriyeti) kurulması gereken bir bölgedir.

İşte Ortadoğunu, dünya dengesi içinde bu kaba hatlarla ele almak lazımdır.

Irak'ın Kuveyt'i işgali ve ardından da ilhaki, başta ABD olmak üzere, tüm emperialistlerin hincıyla karşılandı. Sorun ilk etapda petrol kılıflı gösterildiyse de, daha sonra emperializm dışlarını gösterdi. Bu ise, Doğu Blokunun çöküşü ile birlikte, her ne kadar eski de olsa, ABD nin 'Yeni Dünya Düzeni' içinde üstleneceği jandarma rolünü açık ve net bir şekilde kanıtlamak istegidir.

Saddam'a gelince: Saddam feodal, gerici, sömürgeci ve kişiliksiz bir diktatördür. Ve hiç bir yeri işgale hakkı yoktur.

· Ya Arap kılları? Bunlar Saddam dan mı iyiler?

Diyeceğimiz, söylemeye dilimiz tutmuyor ama, iki ucu da boklu değnek misali. Araplar - Saddam ve emperializm, sömürgeciler,

Bunların tümü bu bölgede toplanmış bulunmaktadırlar. Biz tümüne HA SİKTİR diyor, yazımızı noktalıyoruz...

## ÇİME DOMANANE VEŞANIYE

|                        |                                 |
|------------------------|---------------------------------|
| Ez pil biya            | Eliye mı                        |
| Wayire domane biya     | Seke vaa                        |
| Maa mı, roce mıra vaa  | Ma kesire sare xo ronina        |
| Ero buko, Eliye mı     | Şikime her çii xo vira bikerime |
| Ma zaf çii dii         | Tedinera xem nekerime           |
| Zaf çii viyarna ra     | Çi este                         |
| Veşaniye diye          | Nişkime xo vira bikerime        |
| Çime ma                | Lace xore vajine                |
| Belekiya usarira peray | Çimane domanane veşaniye        |
| Qır bime               | Nişkime xo vira bikerime        |
| Tesaniye diye          | Çimane domanane veşaniye        |
| Tija amnani vera       | Sare camerdane ma               |
| Kerbela şime           | Dave werte şaqaro               |
| Warway bime            | Herme ma kerdi ve ma vera       |
| Bine lingane ma        | Sere koado, werte kemerade      |
| Amnani kemerara        | Dest u paye ma giredayı         |
| Teliyara zol biyene    | Ma kerdime lal u qeri           |
| Vıraniye diye          | Çime domanane veşaniye          |
| Serdara qurfiyene      | Heni gırse, henı gırse ke       |
| Veyvike newe bime      | İson terseno ke qayte cı kero   |
| Axurade                | Çimane domanane veşaniye        |
| Helme mal u dawaride   | Vile ma şikit                   |
| Kewtene ra             | Per u paye ma                   |
| Ez tora cı vajine      | Permelnay ro                    |
| Ma zulme dewleta       | Ma viyarnayme ra                |
| Hokmata dii            | Kalane hedudura                 |
| Deste goninare         | Çimi Domani Veşaniye            |
| Sare xo ronina         | Veşaniye Domani Çimi            |
| Xıraviya keside        | Ero heyi heyi                   |
| Neguriyayme            | Cigera mı heyi                  |
| Xore cı na ro          | Kesrete oncena                  |
| Xore cı waşt           | Qedaye lace xo biceri           |
| Şarire ki o na ro      | Hata keyi                       |
| O waşt                 | Hata keyi                       |
| Ma waşt ke             |                                 |
| Tene roca sıpiye       |                                 |
| Tene tija germine ki   |                                 |
| Berzoro çareke ma      |                                 |

## Z U R İ

Merike biyo, zaf zuri kerde. Seke henı zaf zuri kerde ki, zaf neonto, zure xo vejiyero werte. Roce jüyede herisesipe nera vano: 'Ero lao, Heq adire to wedaro, tı ne meratane zura nezana bikere, bee caverde. Zure to şone feteline, kes cire çevere ranikeno, qefeline, serdara ricifine, peyniyede cerene ra tepiya ene kune çevere to. No niva nebено. Tı zanena ma ita koaderime, zımıştane ma, çıxa vana hini serde, nayeraki, nayera dime, eke damış nebena, diyaye xo kincane germin pırade, egale berze vile, qaputede germin serde pırade, kılaye şare şane, lapika destke, puçane tıftıkına u patina lingek, lekâna girede, cogane bidero dest rastke. O ini şono, dolimena neno nukuno çevere to. Ma tı sekena? Ne serde zımıştanide, ne koade, tı ne pizeze mi pırın u tumanra erzena teber, nevana kata şoro?'

TEW ŞİMA NEWE PEEHESİYE : (Tew şıma hona hesiyay pê)

Bira hete made jü biyo, kamke ci qese kerdo, ci vato, ceroro ci vato: 'Tew şıma newe peehesiyay! Mi ki va hela çiko? Ez naye zan, peehesiya, musa.' Niya niya kamke se vato, ci qese kerdo, eki vato, 'Tew şıma newe.....'

Roce germe amnanide, waxte vaşa ontene bena. Di kamili ki jübini-de xape şije. Hem vaşane xo oncene ane kene lode, hemi ki xore mucil bene. Qese enero ne mordemeki ser. Kamilo jü cerenoro e bini, vano: 'Bira be ma na raya zurane ne bicerime, riye ne dolime siyakerime, beka no ne zurane xo caverdo.' Ane xore pilane virazene, keyke raste jubini amay, pilane xo anero ca.

Varaşana, ne hurmena kamili u ne mordemekira werte loda de, raste jubini bene. Tenete waşara, xızagara, arabanara, çeeane warira qese kene, kamilo jü vano: 'Bira bira vane, Adanade dire roci nayera ave, çoke vare vara.' Mordemek erzinoro werte, vano: 'Tew şıma ki newe peehesiyayı, ez na çan ....' Kamilo bin damış nebe-no, cerenoro ci vano: Ero lao, tı herise sıpiya. Ini ne zurane xo caverde, no germe amnanide ma ita welate xode pocime. Zımıştanike made bejne vare varena, onciya pişke vare neerzena Adana. Ero no germde, na Adanade se vare bıvaro? Ane qese xo, ita ser bicime, waa vindero. Reyna çiye berero goşane ma, ini tı zana sebeno!'

A rocera tepiya dewuji nezanake ne mordemekire sebiyo!

-Ez vajine ke endi dawa herisəsipeyeni keno...

# QÊSÊ KAM1LU

Çiçäge rindi, aseo çetinra royene.  
Qulke buwazo, ko demdano.  
Ma nun u sola jubini werda.  
Derd ke bi, dermane xo ki esto.  
Golike xo mede gaye şari.  
Ko çıxake berzbo, roce linga mordemi ginenaro ci.  
Feke xo qena xora pet bice.  
Tel u derzini vere dukani çarno ra.  
Bare ma, ma serao  
Her şoro koti bare xo pisti serao.  
Kerdox xelesiyo, nekerdox nexelesiyo.  
Linga xo qase cila xo dergke.  
Maa mordemi timtim lac niana.  
Adırra piren nebeno.  
İsoni sito kal lito.  
Axwe sona kum maneno.  
Pere qilere destio.  
Çü be camerd, camerd be pisti nebeno.  
Sayekе darera biye, herkes çüye xo erzeno pa, çüye kamirake ame.  
Lingi pizi carnene.  
Axwa merdiyera bitirse.  
Ebe dore nebeno zore.  
Dina kesire mal nebena.  
Asın weno, paxır pır keno.  
Aqilo şivik, baro giran.  
Çiye na dina na dinade maneno.  
Pireno peen, ceve xo çine.  
Feke şari peleke niya bicere.  
Ri, rira şermaino.  
Qesa raşte pere nekena.  
Poşmaniye pere nekena.  
Diko ke be waxt veng dano, sare xo beno.  
Kemere girana caye xode.  
Hele ho, hele ho.  
Aqıl serade niyo, saredero.  
Kare waxti, paşaye texti.  
Eve ju gule usar neno.  
Pevniya sebri silametiya.  
Kete dizdu taride vene.  
Çime korire roştı newajina.  
Aqıl aqılı sera, dest desti sera.  
Ye şima dece sariyo.

Ga ke gina waro, kardi bene zof - deyra.  
Bebext, bebextiede sono.  
Waxtçaquçe isonio, virazeno anoro ci.  
Hard ve asmenira çutur kecera nebene, di goiliki heni cera nebene.  
Pelge ke kewte axwe ser, axwe bena.  
Her ke hero, jü raye gineno çamurero - axwero.  
Leyre mori be axwi nebeno.  
Feqireni merdenera zora.  
Çiçege baxçi je ciçegune koi niye, hama qulira nejdiye.  
Dik ha wengdo, ha nedo, roze onciya bena newe.  
Sonde iqrar u iman, sodır toz u duman.  
Sindore Heqi çine.  
Fekoke musa zura, qenake muse tiza raero ci nebeno.  
Feke kutikira dere neheremino.  
Qimete zerni birino, qimete kitavi nebirino.  
Çixake rae duribo, gama virenede bena kilmə.  
Rindeni ke bikere xore, xirabeni ke bikere xore.  
Rindie ki xirabie ki ye na dinae.  
Eve pers, mordem dinara beno tever.  
Axwe vindena dismen nevindenno.  
Boliye darera gina waro vato, eeh na dare çıxa qewçila.  
Goşt nenigra cera nebeno.  
Dişmeno hewl, doste kotira rindo.  
Çiyoke verd ra, era dime mekuye.  
Çevere hokmati çevero çamo, qulve zulmo, Heqve ramo.  
Kerme dari, darira beno.  
Qesa raşte dajnena.  
Peyniya karide, aqıl dawaxi deyrae.  
Aşıqe herkesira vana axa, hama axae xo naskena.  
Dost bena sah, dismen beno kor.  
Feko wəş mori lonera vezeno.  
Fek vano, ri sermaino.  
Merdene ke nebo, qimete dina neoseno.  
Çiyoke qul zaneno ey qese bikero, reyna nezaneno ke ci qese bikero.  
Hurendiya xode mevinde, hedi hedi lalewuie.  
Eve di gosu mehesne, eve zu cimi bivine.  
Eve deste xo bike, eve sare xo bonce.  
Her ci koka xo ser royeno.  
Aje terniyede namina di.  
Vizike ciè niya, zere isoni fina were.  
Kengerira vato, çee to kuyo? Vato, vaa zaneno.  
Çee xo, vaai verdero.

İson sed sere kokım nebeno, derdune hazar sere xode beno.  
Dırvete isone rındi xorije.  
Dewake osena, qılawuz newazena.  
Sar hero, maa ze mao.  
Heri dinade zofe, peru zu cade niye.  
Mive lı̄ngä xora, bize lı̄ngä xora darde bena.  
Miye ve lı̄ngö xo, bize ve lı̄ngä xo.  
Ma heroz heroz nesome meymaniye. nun u toroq neweme.  
Herkes düște xora - qase xo.  
İson xete u gunane xo, eve çime hevale xo veneno.  
Axweke verdiye de, are nebena.  
Heqa ma u pi ewladira, heqa ewladi ma u pira persina.  
Cewe heri zede amo.  
Ciye xode moreki diye.  
Çı bikere e ki venena.  
Venge dowuli durira wes yeno.  
Waa name isoni mevejiyo, cane isoni bivejiyo.  
Kutık gości kutiki neweno.  
Korira vato tore çı lazımo? Vato jü çım, ha tore dı çımi.  
Koro mirode to çiko? Vato, dina roşti.  
Hewno merde dışmeno.  
Goni axwe nebena.  
Çiyoke newezino bıdario weh, o çı rınd dardo weh.  
Axwe kora, merez zerede nevindeno.  
Çime quli ke bi züaa, dere ki bene züaa.  
Heq u neheqe jü çeverra kune zere.  
Hatani zerqe sodırı sero vindena. momiye de xo eracifiye.  
Rae ve havalu qedina.  
Mordemo bom, çiyoke neno kerdene keno, baqıl tey niadano.  
Ver u peynia her çı raştiya.  
Riye isoni roştide, xuya isoni taride kıwşbena.  
Raşte şona çè Heqi.  
Qanqole axwe sera kaikena.  
Uyoke gile beçikane xo ser fetelino, hona lı̄ngä xore ca nedio.  
Tae axwe kene qilerin, tae mosu cene.  
Ewlad zerdiko, torn dendika.  
Sıfre mordemi ke hard de bi, meymane mordemi hazırla.  
Cata cata camerdu ke ame, dake lace xo naskena.  
Bärut ve adırra jü cade nebene.  
Domanoke nebervo, cire cızık cino.  
Saro węş paçika nevazeno.  
Sare xuyo węş paçika mevilesne piro.

Aspar meso teyna kuna, pia meso peyra kuna.  
Alimi xo vira kerdo, qeleme xo vira nekerdo.  
Qayte mayeke çena bice.  
Sarede vaje züyo, qenede vaje ziyyo.  
Şeri, şere. Çi may, ci neri.  
Xo bizane, sar to bizano.  
Namus texto zerneno, sare her kesi sera niyo.  
İson mireno name xo mameno.  
Jüye xexi kemere eṣta quye, çewres baqılı neveta.  
Canke nevejiyo, maliki nevezjina.  
Her ci zono wenca buro.  
Emanetiyere xaineni nebena.  
Camerdo xırt, riske xo kemerera vejeno.  
Heqe ciranie gırano.  
Gee, ceniye kena şen  
Hayra ke ame, huyra sono.  
Hay u huyra, teq u türa, ma vejiaime qulenira.  
Derjini xora cine, hona goçini sariro cine.  
Vere coy derjini xodeke, goçeni hona sari deke.  
Uyo ke wazene ree rie xo beno şia, uyo ke nedano di rey.  
Verg zureno, kewran raa xora sono.  
Mekine ginena piro.  
Kam ke kınit, peyniede o gineno piro.  
Kes nevano, doe mi tırsı.  
Qave axwe, raa axwera sıokino.  
Kote zerarira racere, honde kara.  
Qurrr, gosareke gose xo ke.  
Mordem ke gına waro, kes dest ci neerzeno.  
Cane heri ke zon da, ostore hewlira zede xıldano.  
Ciye bıne vore, rew bo, here bo vejino.  
Ciye xo, eve vore minene teh.  
Çewt ronise, rast qese bice,  
Deste xo sana ro, cıme xo vet.  
Eve qocike da are, eve kundez kerd vila.  
Geme ve zu dare kem nebena.  
Virenije bice ke, deynie bero.  
Kardi sanite ve aste.  
Marifete heri zıraiso.  
Qul dismene Heqio.  
Hevalu de sono, kutudu de yeno.  
Pir ke ame, koçeki ki yeno.  
Werte made dara Elia.

Kelpik şio derde kemereire bervo, vato: Bira nika vore ve siliera vorai, ti sekena? Kemeri ki xore pee huyo.  
Ma u pi, zu rae yene dina.  
Kutık nelaweno waire xo.  
Desu tora van, veyve bice xo ser - fam bike.  
Çena mi tora van, veyve bice xo ser.  
Kutık payna kutiki nedano.  
Turike zura timi qulkino - qulekerdo.  
Bebextiye kare camerdu nia.  
Dèle ke biye quzzın, kutiki Helev ra yene.  
Dèle ke qızdane biye, kuti ki bene deyrai.  
Kotide bario, ucade bıvisio .  
Ko, koi nereseno, mordem, reseno mordemi.  
Ko neno lewe mordemi, mordem sono lewe koi.  
Merdene kare camerduna.  
Merdime pia, vindime pia.  
Vake tiz kami kerd? Vake be ma u be pi kerd.  
Hard milo, Heq pilo.  
Hard milo, asmen eyra pilo.  
Emre Heqi jüyo.  
Dilopera - Dilopara biye silopa.  
Waire hard u asmeni jüyo.  
E şıma sare deco.  
Seke mostira muye oncene.  
Virendia goli ke rakare,gol beno züaa.  
Kemero riştim enoro zon.  
Aqile xo nun u toroq de werdo.  
Virenio peynia xo bizane.  
Qesa cüanike.  
Ucax be korvo, zuri eve pera niye.  
Peynia werdene tiz u fise.  
No birae merdene nio, birae werdeno.  
Birae werdene deyrae, birae merdene çine.  
Cero cukuye, corde vajie.  
Qeso gıran, qedro gıran.  
Bebextièke esta nuna potiya, kuna çevere şıma ki.  
Pizo mird, hale pize vesani nezano.  
Sire benamusi newen, koreke xo wen.  
Korek destra nırışino.  
Hatani kemera qice merze kemera pile ver, kemera pile nevindena.  
Ne sıfre xanadana xelesino, ne vere isona dırino.  
Heni kerdo ke, kerdo ze aspica potiye.  
Zerne xo ne, ciye şari goynene.

To tesan benu axwe ano.  
Verg de wene, qılançika de qısnene.  
Hard weno, asmen puf keno.  
Pir ke ame, koçeki ki teyro.  
Hard husko, asmen durio.  
Bava sono cemet, guna neverdana.  
Cane bavai cemet wazeno, guna neverdana.  
Şar zoneno ke simade tawa çino.  
Made soe şirini doz kerde.  
Jiare ke jiara, jü rae mirode isoni kena.  
Kitiki lawene, meymani raa xora sone.  
Teyro qız, tim hewnane gırısu vineno.  
Den ve daene, raeve şiene qedina.  
Şewe jüya, dızd hazaro.  
Qale kutiki ke kerd, gere usıra to lewe tode bo.  
Nano miloçike meane nedazzeno.  
Heq kesi sas mekero, sas keno ki kas mekero.  
Zern bine hardi de hazar sere maneno, oncia zerno.  
Awa ke no keno kes nekeno.  
Qeda nevano ez yeno.  
Xismekare çee xuyo, axae teverio.  
Mordem eve torjen ree mireno, eve qese heroz mireno.  
Bine keware ke gına piro, usar eno.  
Kut'kare çarixi lazım niye.  
Ebe astane mordemi axwe wene.  
Çiane henena qese kene ke, nequne aqile heri.  
Goxı ke duri weşe.  
Hard suro, asmen duro.  
Ezra şare teveri kui, dinare ben tever.  
Guke çei, gae çeira neterseno.  
Ete, to qe lac u çene niardi? Mi laci ardi deleverga berdi,  
mi çene ardi vega berdi.  
Tize veiyvike eşkerao.  
Çena sée nuna potia.  
Adır koti kuyo uca veşeno.  
Şar pesera, ma zerera veseme.  
Qida nevano ez yeno.  
Caye dırvete beno weş, ceye qesu weş neşeno.  
Kerdəna to, tore kare nemamena.  
Pie vile çewti Heqo.  
To vana ke ebe cie kutiki goji kerdo.  
To vana ke site qilançike goji kerdo.

No rie mino şä, rie tüyo sipe.  
Adiro gur, peyniede zur.  
Desto çep, deste rasti süno.  
Miye deyma, kutikide nezeweja.  
Miye, deyme kutik negureto.  
Aqıl ve pere necerino.  
Aqıl, pil u qıcı nasnekeño.  
Je aşiqu kote tewerte.  
Are, eve axwa ontene neçerexino.  
Bone zurekeri veşo, kesi inam nekerdo.  
Biza gerine werte malira veje.  
Camate di bırau nebeno.  
Çolo tol xo sero nevindeno.  
Jüe Samra vane, jüe Helev ra vane.  
Sam de dano piro, Helev de vejino.  
Hot miliji reşte pee, jü her bar nekerdo.  
Hurenda mordeme xırıti, daima berza - kıvşa.  
To ci ci deste mide kerd, ez'ki rie tora kiri.  
Ha boro, ha boro. Çime xo vesano.  
Vere xo mırdo, çime xo vesano.  
Desu raşt, nericino.  
Eve jü dest, di qerpuzi necerine.  
Dişmeno xırt des qate doste xainio.  
Çixa ke dişmeno, heqa mordemeki esta.  
Hengure, hengure de niadana bena şae.  
Ewlado be xer çinebo dai rindo.  
Çi wazena, xer buwaze.  
Mordemoke male xore wair nevezjino, cane xore ki nevezjino.  
Nezanaene ayív nio, nemusaene ayivo.  
Bojioke camerdu cıra kerd. nedeceno.  
Eke bikise, cilke goni cıra nena.  
Qatıra xırte, aze xo neresnena.  
Ostoro xırt, zengu xo nıdano.  
Kutik jiare nas nekeno.  
Sata tenge de dost u dişmen kıvş nio.  
Dişmene xo, xora qız mece.  
Virendiye raverde, avsar serde kere.  
Tore leegeo, mara nevezjino.  
Raverde kolix şero.  
Vaxo şero, vile bin'rabo.  
Mor ke moro, pirene xo dırneno.  
Kemera mordeme feqiri peyra yena.

Quloke şı sayd, nevano ez nawa itarne.  
Pola to cena na dina darera kas kena, to ki mıdara mide nia.  
Kam ke vaa kire mı xiyaro, sole cene wazene.  
Dare darede niadana, bena kewie.  
Fam ke nevo, quliki heywano.  
Kam ke dewa gurene, servere xo berz gıredano.  
Heq tora nezer durfio.  
To ne kire boxia, ne ki kise mangawa.  
To xore zovina kar bivine, tı made nire neoncena.  
Tı xore zovina kar bivine, tı camerduude cıte nekena.  
Gao amal cıte da kıvşo.  
Sar hese bıri keno kedi, ma uzme xo nevezime.  
Herira vato veyve de to wazene, vato: Ya axwa ya kolie.  
Pisingera vato, ciye to dermano, wele kerdara ser.  
To vana more bine simelo.  
Zımistan ke ame bine lingune xo bilese.  
Doman ke domano ree deste xo nano adırra.  
Deri şine nejdi amune, çı sayide mino węs. To hatan ke mı bore  
tuyo bena qotiko res.  
Qarnaşio qotık bero vere velike tore.  
Çele zımistani tore nan ro.  
Mordemo tol gesune wesu keno.  
Vergi vato ez xo pee zu qırşide dano wee, na dıme mino rep ke nevo.  
Kire de ki, mare darino wee.  
Hen ke lerze keno, tı vana esker dımaro.  
Heni lerze meke, esker to dıme nio.  
To vana sarave pırça weno.  
Bar ke baro, gırs çıko, qız çıko?  
Kemere ke este gole pilk vana.  
Mordemo rınd, astare xo bereqino.  
Eve kunez dengiz kem nebeno.  
Eve qoçike dano, eve kunez ceno.  
Kerciki herira vato, to cena erzena bine lingune xo.  
Merdire çı cike, merde çı sekono?  
Merdire çı, węsire çı lazımo.  
Ero meiti mekuye, tizu keno.  
Ospor sono paee yeno.  
Saye merdu saye merdu, ez merdu ve hire derdu, ilam derde sere derdu  
Çıxake dışmeno sata tengede lazım beno.  
Çıxake kiseno meit werte de neverdano, tene wele kenora ser.  
Henke rema xo dıme nia neda.  
Cao berz ya axaio.  
Mordeme xaisira bitirse.

Pere bio tunc, milet bio pinc.  
Coka vane wereza ve darve xalio.  
Xal ve darva werezaio.  
Reeke mird vi, vesanenira xo viri niano.  
Pize xo ke bi mird, vano reyna vesan nebenu.  
Kes, ustina Silemanie nebenu.  
Veyvikera vane bireqesie vana, cae mi tengo. Cire ca kene hira  
vana, fistane mi tengo.  
Ha vaje ha vaze, kire bine xore vaze.  
Kori weşira vato, nande ae çime tuye kori.  
Heri miloçikera vato, nande to, aeki vato, ca bivine vaze.  
Çeneke vana: Ye mi ya vilikçio, ya ki dawulçio.  
Kutiko ke dzone xo asai, eyra meterse.  
Gaye mi gaye mi xayneni meke, zimiston ke ame, tore simer mire  
nun lazimo. O waxt ya ti fek erzenaro ye mi, ya ez fek erzenaro  
ye to.  
Mesa kore çee xora wena.  
Voreko hewl kozde bellio.  
Merdene ke merdena, xire xire ci kire mina.  
Verg şer keno roza dumane.  
Ko berzo, asmeni ki eyra berzo.  
Kerge axwe wena, xo sero Heq'de niadana.  
Dèle ke dime xo roşano, kutiki bene deyrai.  
Menga kelaze, boxu vera.  
Ison ke merd, hona bervene.  
Hard ve gosunu.  
Gose biri este.  
Uyo ke nekerd nezano, uyo ke kerd zono.  
Uyo ke nezano, nekerda.  
Kutikira dost - haval nebenu.  
Ti vana kutikode çilpneno.  
Ison ke ci ramit ey çineno.  
Va de rameno, pukelekede çineno.  
Va rameno, pukeleke çineno.  
Veyvike vato ez ke na pizera xelesine, ci kenu feke pie merdi.  
Niade, çitur raa ceneti zona.  
Ison ke si, siya xode niadano.  
Awres ke xelesiya ra koo sono.  
Hata bikero ke, kesike sona dare ser.  
Eve wozdayene ison nexelesino ra.  
Lazo xirt acara vano ez nawa.  
Ne ye pirodayeno, ne ye wozdayeno.  
Ne şikino ke pirodo, ne sikino ke wozdö.

Je kutiki peye çeverura zugur kene - zugurtine.  
Axwe sona çaxıl maneno.  
Aşera berz çengelo.  
Ma ke kamira va bao, vano, herc xire mi nao.  
Ha vaze ha vaze, tı vana kolio.  
Vaze vaze daro husko.  
Poşa gemera gırsagu bırnene.  
Vade luye biyo tamam, şiya tasta gavançı werda.  
Kutikoke ron boro, sanike vere çımiyara.  
Bıza ke ayre şije verg weno.  
Bıza arnoge boka vergia.  
Ulle, bille, hard, asmen.  
Noleti şero domora bozuxe.  
İson çıko çınæ xono, cao xırtra bızewejio.  
Talike nevo, her ci boro.  
Tiz, be ma u be pio.  
Qatiro ke hingo, cıra duri vindé.  
Mal ke be şüane bi, vergi deyrae.  
Meyman ke ame qılançike qıştnena.  
Du remeno, locinera sono.  
Tı vana, bijeko be waxto.  
Qusire mordemi ke bi, sono beno paa.  
Derjen ve qına xo, goçen ve qına xo.  
To ke sima, ez dımne.  
Çee mordeme zurekeri çino.  
Zur acara vano, ez naune.  
To doman nia ke, tora vaji aferin.  
Tuh, tuh, tuh, noleti sororo domora xırvavine.  
Moria hewle, tolikede bellia.  
Pisinge ke şije, dewran kuno meri.  
Nero ez ita vindenu, heroz qırvanu keno.  
Qeda yeno aşera sono, kuno vırendiyə ano.  
Çiko kuno tora? Tusko, laze bize.  
Vore ki sıpia, qul cie xo sero keno.  
Heq, isoni raste zuye ramani kero.  
Kare mordeme zanaoxi başqaro.  
Ma ke dest nave zuminira, dake laze xo nas kena.  
Ma ke dest est zumini, mawa hete zu bervena.  
Vırendiyə verde ra, hata dere ci.  
Nezonayeni xırvavina.  
Ere ere serva anawo.  
Ez ki vano henio.

Her teyr ve zone xo waneno.  
Ma vame goga, onciya vono gova.  
Tuşt tuşt, Sile Memi guke xo sole kerdo.  
Kavek erzeno, soxun peresie verseno.  
Firset ke dest kuyo, isoni nal keno.  
Çixa kebihuye, honde ki bervena.  
Dano to Ali Wali, bizone qedre Eli.  
Zu cikra, dina vesena.  
To vana reça xo je reça awreşıya.  
Heq, çıxıre mordemi çewt mekero.  
Gosra mine, çıxıre deyra meso.  
To vana, reça kuji fetelneno.  
Tay tay tay, manga ve gawa.  
Boxe xami erzene ververe gae amali.  
Sare ke kundire vi, lese se bikero?  
Lesa gırse pısa.  
Mordemo her, sayde mordeme boqilio.  
Berzra meso, alçax kuna.  
Honde ki xo berz mece.  
Ez van ga niamo, a şia derde voreki gureto.  
Zarancera pers kene, na linge to ca sure? Vana, vorerao. Mi ti  
siatiede ki diya.  
Qul dışmene Xızırıo.  
Mordemo xayın, her cade xayino.  
Mae laze xo daima nas kena.  
Awres kora heredio, xevera koi çina.  
Ez van hes nao, a vana reçe nawa.  
Hes ke heso, reçe se kena?  
Hewne wari wes yeno.  
Mordemo kose seytano.  
Heq ma şere cınıka arsizera wedaro.  
Cinikake posawa, Heq mara duri bero.  
Namus bazar de nio.  
Ma tawa beçika xo boe kerda ke... .  
Vertere zaw u jeki meve.  
Xo virane zaw u zeçi meke

Peyniê esta

Q A Y D    v e    U S E N

## EZ VE NAJNIE

Ez tore ki meymanu  
Desto ho bide lew pani  
Tora ki qese vaji  
Rindena to buwaji

Ez amune na çe to  
Run toraqe to wenu  
Hemgene to ki wenu  
Doe to ki tom kenu  
Hal waxte to pers kenu

Hal yamano yamano  
Dorme ma miz dumano  
Disme' mare dosta nio  
Doste ma ki bellia nio

Bere perü zu vime  
Dostune ho ki sah kerime  
Dismeni biqarnime  
Rie yinu ki sa kerime

Ez amune na çe to  
Run toraqe to wenu  
Mire jafeti poze  
Doe to ki simenu

Ez vesanu ax najni  
Raa mi ki zof duri  
Geste zere mi kay keno  
Deste ho bide lew pani  
Run toraqe to bori

To se vana mi qeda  
Najnie qedaye to cena  
Be zere de na ronise  
Tore jafet pozena  
Ape to ki ke ame  
Tore na sogus kenu

Najnie belaye to cena  
Ho rind mirdke mi qeda  
To hona ki na xorta  
To mare zof lozuma  
Ma zof roze çetin di ke  
Ho bipie mi qeda

Na qese mi gose ho ke  
To ho vira na meke  
Kutgu de dosten meke  
Yi ki na dismene ke

Najni vaji tore  
Nebene dosta yinure  
Gonya ma ki yi wene  
Vergi biraye kutgune  
Kutgura dosta nebene

Zone ho qese bike  
Zane to ayiv nio ke  
Uyo ke vane ayivo  
Haq vo zof cailo ke

Deste xo bide lew pani  
Tora xatir buwaji  
Belka reyna ez ninu  
Ez tora na se vaji

Q A Y D

Erere Oli kena  
Ez ke yeno dewa sima  
Dafile dalile  
Xo terapise  
Be vera mi bifetelie  
Oli adire goyili wedaro  
Rinda mi  
To ez kerda Kerem  
Ti mire bia Xanaslie

Lao Oli kena  
Cade Itara yeno sono  
Çixase yena sona  
Çiye maneke  
Linga xora ce ma fiye

Lao dewa made veyvo  
Xo terapise de lao de lao  
Pişkira sure xo destke  
Era govende ver kuye

Mi va Heq mirode mi keno  
Sere warede ti bena cirana mi  
Mi kerd ne kerd ne bi  
Heq ano were usar yeno  
Roo mira ne sono  
Deste to cen  
Kume werte velgu vasu  
Pia some sere kou

Tew vaje tew vaje tew lao  
De kivar de giran giran  
Ere lewe tuyu mi destra  
Rindeka mi  
Emino werte çimura  
Lao to xo sas kerdo  
Ça kilamane henenu vana  
Ez vaji ti şiya werte serura

Goyilo goyilo onder goyilo zoro  
Mi va dünya dünya dünya  
De ti dünyeka mina  
Oli adire to wedaro  
Mi nezana ke ti mide nina

## Z E R F E T İ

Jüyo Türk, lace xo erzeno pesa Kirmance, tey beno kewra. Wertera ke tene waxt vereno ra, lace xo ruşneno çé kewraye xo. Layık dire roci çé kewraye xo de maneno. Cire xısmete u azate kene, xelata dane cı, peyser şono çé.

Layık ke şono çé, maye cira pers kena, vana: 'Kewrayane to se-nene, xısmete u azeta rinde tore kerde, sıma se kerd, se ne kerd, cı werd, cı ard?' Layık vano: 'Bize bir yemek yaptılar kabı ile birlikte yedik!' Maye vana: 'Çı nun bi?' Layık vano: 'Nezan.' Maye name nunane ke zanena cire morena, layik vano: 'Ne, niyo, nebi.' Peyniyede teseliya xo kena, zana ke name ne nuni, ne layikira nemusena.

Wertera waxte de bin ke şono, kewra o Kirmanc be, ceniya xora sone çé kewraye xuye Türk. Nişene ro, hal - kefe jubini pers kene nekene, kewraya Tirke damış nebena, pers kena: 'Kewra Heq kena sıma no sene nuno poto ke, kewraye to vano, ma teba qabira werd?' Kewraya Kirmance erzina werte, vana: 'Esmo piya pocime, teba qabira burime, vane cı ?' Sande zerfetiya xo vocene. Ane pero piya, teba çikonikira wene xelesnene. Kewraye vana: 'Kewra to di, sar ke nune xo poceno, wes bo, bine qabi lesene. Ma nune xuye weşi teba qabira weme.'

## B O X E Ç O R E X A M İ


Roce der u ciran ene peser, xore mucıl bene. Beno san waxte şami eno. Wayira çeyi zerfetiyede zinare vejena ana. Cuyamerdi zerfetiya xo vejene kene hazır, pero piya ene sıfri ser.

Teneke wene, o ju qayt keno ke, xonçike heto ju ser mela, ron kuli o hetede biyo gol. Wazano ke ron biyaro hete xo. Hama se? Qese e qese keno, vano: 'Bira ne baxeçere mı, mı esmer se kerd ke, nekewtene bine niri, Mıra, dinara, axri ke peyniye de mı pe goşı guret...' deste xo erzenoro çikonike zerfeti, 'Niya kas kerd...' Zerfetiya xo tey çerexneno, ron ano xo ver. 'Nire naro vile, kılameyi sero giredayı, nata - bota ardi berdi, axri tene xesimenira veti.' Zerfeti se ke henı çerexna, pee gureta. Desto bin erzeci ke pariye bicero, lac vano: 'Ba o e niri vile boxeçora sera rone, vile xo cı mesano.'

## H o r e W e s B o r e

Halvoze esto, gegane ke zerfeti pote, some ser, vano: 'Bore bore, Haq kena xore bore! '

1 2 3 4 5 6 7 8



## B İ V İ N E

- 1-Çepra hete raş ser  
2-Qule aşira xırte.  
2-Name de hermete. Çepki: Emire  
saene.  
3-Kırsı dane ci hen vane. Werde  
sipedı-sodırı.  
4-Taxe  
5-Çepki: Vinit. Çepki: Can.  
Merde mae re vane.  
6-Atee Tirkura mada gegane hen  
vane.

7-Venge manga. Pencero qız.

Corra cer

1-Name welatede xırtı. 2-Çepki: Naskerdoxdane. Kutık saneno ro.  
3-Wendo zoneno. Lete susu. 4-Çepki: Kutiki perene to.  
5-A nia. Çepki: Cekuye doxani. 6- Lete kuku. 7-Çepki: Taye cade  
tijira hen vane. Çepki: Werdena kutiki. 8- Qule teverira va.

Ez sono belka ninu  
Onca simara vanu  
Nu qese mino paeno  
Miliseni mekere  
Mekere ax mekere  
Xayneni mekere  
  
Ez ke berdne bervai  
Mi dime amai  
Di ser u nem zerede vi  
Birazay niamayi  
Werezay niamayi  
Mekere ax mekere  
Xayneni mekere  
Miliseni ax mekere

Mare di roz waxt beso  
Zof zoru nevinenu  
Zonu ke yi tol niye  
Birazay tol niye  
Werezay tol niye  
Mekere ax mekere  
Xayneni mekere  
Miliseni mekere.

QAYD

10.90

# WAXT 3 HİRË

## AX XARPETO

Ax Xarpeto wax Xarpeto  
Xarpet Xarpet Xarpeto  
Seyit Riza esto dare  
Xarpet mare be mirodo

Ez vanu vanu vanu  
Serva Findiq axay vanu  
Ibrahim e Ali vana  
Werte Dersim de sevkanu

Ax Xarpeto wax Xarpeto  
Cae na xeribunu  
'Xeriv Mezarlıxi' vane  
Peru yi na BERSİMUNO

Ax Xarpeto wax Xarpeto  
Xarpetra dot kebano  
Ma kerdimeve top berdime  
To vana goc u fermanu

Nawa ke naynu ma kerda  
Dina alem nezonenu  
Nawa ke naynu ma kerda  
Noz Haq naynure verdanu?

QAYD